

## BURRASCA

Niura cutra  
unn'era u cielu  
u llùstru ri l'arba 'ntuppa  
e ll'armu accupacori  
e ll'àriu ca penni n fuscu supr'ê casi  
Sciàuru r'erbi  
scarminù ri terra  
rê filazza friscanzana ca trasi.  
Ciarmulù  
ri nùvuli ri pàmmini  
aspittannu  
curiùsi cu veni.  
E arriva!  
A la 'mprivvìsa cància  
si ùncia  
frisca fuddhittu ntê fraschi  
surrùscu vampanìghia s'addhùma,  
arrizzòla  
carrèta e timpùna scala scala  
strazza a usàzza ri sutta  
sdhuvàca  
cchê siccìa e i quartàri

Siggnùri acciùì bbasta !  
ssa sorta 'i gghibbiùni  
cu a manna rê cela.

Cala  
a cina ntê ciazzi  
intr'ê scarpi cu scinni a bbanchìna  
e i trazzèri  
sciùma ri ciana  
ìnciunu i sterni e i ciusi  
fingiènnu ch'è u mari.

Miatu  
cu jàvi n tettu supra a testa  
ca cci scrùsci  
e u rripàra  
râ fùria râ bburràsca  
e gghiàvi  
ô cantu ô liettu  
na finèstra  
ppi vvìri ntê cuncuna  
comu spùntunu i bballùna.

---

BURRASCA - Nera coltre / dov'era il cielo / la luce dell'alba copre / e l'animo opprimecuore / e l'aria che pende fosca sulle case / Odore d'erbe / brulichio di terra / dalle fessure frescura che entra. / Parlottio di nuvole di foglie / aspettando curiosi chi viene / E arriva! / All'improvviso cambia / si gonfia / fischia folletto tra le frasche / un lampo / fiammata s'accende / ruzzola / carri e macigni giù per le scale / strappa / la bisaccia di sotto / svuota / coi secchi e le brocche / Signore ormai basta ! / quella sorta di gran pozzo / chi la manda dai cieli. // Scende / la piena nelle piazze / dentro le scarpe a chi scende dalla banchina / e le trazzere / fiumi di pianura / riempiono le cisterne e i campi / fingendo che è il mare // Beato / chi ha un tetto sulla testa / che gli scroscia / e lo ripara / dalla furia della burrasca / ed ha / accanto al letto una finestra / per vedere nelle pozzanghere / come spuntano le bolle.